



Kulturstadt Basel, Fremdi Kultuure und Dradizioone

z`Basel het`s e vuyfäldigi Kultur mit Dradizioon,
mit viel Spass Verniege und Informazioon
do het lokals bi Goscht sy feschte Platz ,
aber au internationals het allewyyl e Satz
und isch in jedem Fall e Stadtbsuech wärt
z`Fuess, per Velo, Auto oder Pfärd.

E internationali Schau mit wältliche Kläng,
kasch gseh am Basel Tattoo mit Folklore, Militär und Gsäng.
Aber au Museum drage viel zur Kulturstadt by
wo namhafti Kinstler präsent wänn syy
oder Sonderschawe iber fremdi Kultur
und e Museum mit Tier und Natur
mit lokalem, nationalem, internationalem Flair,
das alles ka me z`Basel seh und no viil mee

Doch au im färne Aegypte an Usgraabige
gmäss viele Bricht und Beschryybige
kemme fremdi Kultuure zem Vorschyne
und Basel wird in d`Wält uuse schyyne,
isch d`Stadt wieder ganz vorne derbyy
alli Medie mälde, das bringt iberall Schlagzyyle yy

Doch d`Fasnacht isch als lokals Kultureraignis
im Balser Bebbi si liebschts Erlääbnis
vo alter lebändiger Dradizioon
mit vielfältiger kreativer Präsentazioon
Nur uff eins warte mir vergääbe
es Fasnachtsmuseum isch nonig am Lääbe.